

სახლი სარსბსუღი

372 (3) 19 თებერვალი, 2018 წ.

ხარაგაულის მერი ნიკოლოზ თოფურიძე ოფიციალური ვიზიტით უნგრეთში იმყოფებოდა

ხარაგაულის მუნიციპალიტეტის მერი ნიკოლოზ თოფურიძე ოფიციალური ვიზიტით იმერეთის მხარის რწმუნებულის, გუბერნატორის მოადგილეებთან, გრიგოლ დალაქიშვილთან და იოსებ ხახალიძეშვილთან, ასევე წყალტუბოს, ბაღდათისა და სამტრედიის მერებთან ერთად უნგრეთის ქალაქ სენტგორდჰარტში იმყოფებოდა.



ოფიციალური ვიზიტის ფარგლებში შეხვედრა მოეწყო უნგრეთის პარლამენტში. იმერეთის რეგიონის წარმომადგენლები შეხვედრენ უნგრეთის გარემოს დაცვის სახელმწიფო მდივანს, მერებებს, დელეგაციებს სლოვაკეთიდან, რუმინეთიდან,

სლოვენებიდან და სერბიიდან. ასევე დაესწრნენ სზარვასკენდის კულტურულ ფესტივალს. აღსანიშნავია, რომ მოხდა ორი ქალაქის - წყალტუბოსა და სენტგორდჰარტის - დამეგობრება, რაც, თავის მხრივ, ხელს შეუწყობს ორი ქვეყნის მჭიდრო ურთიერთობას. როგორც ჩვენთან საუბარში, ხარაგაულის მუნიციპალიტეტის მერი, ნიკოლოზ თოფურიძე აცხადებს, ვიზიტის ძირითად მიზანს იმერეთის მხარეში დაგეგმილი პროექტების

უნგრული მხარისადმი გაცნობა წარმოადგენდა.

„მონაწილეობა მივიღეთ სხვადასხვა ფესტივალში. ასევე მოვინახულეთ ფერმები, ღვინის მარნები და სოფლის მეურნეობის სავარგულები. უნგრეთში უდიდეს მნიშვნელობას ანიჭებენ სოფლის მეურნეობის განვითარებას. ძალიან მშრომელი ხალხი ცხოვრობს. განსაკუთრებულია მათი დამოკიდებულება ვაზის კულტურასთან. ვენახები ყველგან დაცულია სეტყვის სანინააღმდეგო ბადეებით. ზუთ სხვადასხვა მერიაში ვიყავით. მოვიხიბლეთ ისე საინტერესო აქვთ მონაცემები თვითმმართველობები. ვფიქრობ, ჩვენი ქვეყნის კურსიც სწორედ ამ მიმართულებით

მიდის და იმედი მაქვს, მალე საქართველოს სოფლებიც ისეთივე ცივილიზებული გახდება, როგორც ეს ევროპაშია. აღსანიშნავია, რომ ვიზიტის ფარგლებში, ქალაქ სენტგორდჰარტსა და წყალტუბოს შორის ურთიერთთანამშრომლობის მემორანდუმს უკვე მოეწერა ხელი. შესაძლებელია, გუბერნიის დახმარებით ხარაგაულის მუნიციპალიტეტის რომელიმე სოფელიც დაუმეგობრდეს უნგრეთს. ამ საკითხზე საუბრები აქტიურად მიმდინარეობს.“ - აღნიშნა ნიკოლოზ თოფურიძემ.

შეგახსენებთ, რომ დელეგაცია უნგრეთში 6 თებერვალს გაემგზავრა და საქართველოში 12 თებერვალს დაბრუნდა.

საკანონმდებლო ორგანოს მუნიციპალიტეტის მერი და მუნიციპალიტეტის მერი

ხარაგაულის მუნიციპალიტეტის მერმა, ნიკოლოზ თოფურიძემ, განათლებისა და მეცნიერების სამინისტროსთან ურთიერთთანამშრომლობის მემორანდუმს მოაწერა ხელი.

ნათლებლო და სამეცნიერო ინფრასტრუქტურის განვითარების სააგენტოსა და საქართველოს ყველა მუნიციპალიტეტის ხელმძღვანელ პირს შორის გაფორმდა.



შესწავლას და შესათანხმებლად წარუდგენს განათლებისა და ინფრასტრუქტურის სამინისტროებს. თავის მხრივ, სამინისტროები განიხილავენ წარმოდგენილ დოკუმენტაციას და ამის შემდეგ მიმართვენ საქართველოს მთავრობას დაფინანსების მიზნით.

მემორანდუმის მიზანი ზოგადსაგანმანათლებლო დაწესებულებებისათვის მშენებლობისა და რეაბილიტაციის სამუშაოების, ასევე მოსწავლეთა სკოლაში ტრანსპორტირების მომსახურების ეფექტურად განხორციელება გახლავთ.

მერიის უფლება-მოვალეობაა მოამზადოს სამშენებლო და სარეაბილიტაციო ობიექტებზე ჩასატარებელი სამუშაოების საპროექტო-სახარჯთაღრიცხვო დოკუმენტაცია, მოსწავლეთა სკოლაში ტრანსპორტირების განხორციელებისა და მონიტორინგის გეგმა და წარადგინონ შესაბამის სააგენტოში.

ყოველივე ამის შემდეგ გამოყოფილი დაფინანსების ფარგლებში, მუნიციპალიტეტები მიზნობრივად განახორციელებენ ზოგადსაგანმანათლებლო დაწესებულებების სამშენებლო და სარეაბილიტაციო სამუშაოების, ასევე მოსწავლეთა სკოლაში ტრანსპორტირების მომსახურების შესყიდვას.

მემორანდუმში საქართველოს რეგიონული განვითარებისა და ინფრასტრუქტურის სამინისტროს, განათლებისა და მეცნიერების სამინისტროს, საგანმ-

სააგენტო უზრუნველყოფს მუნიციპალიტეტის მიერ წარმოდგენილი დოკუმენტაციის

კონსტრუქციული კომისიის მუშაობა



ხარაგაულის რეგიონული ჯანდაცვის ცენტრის (მენეჯერი შალვა ბიჭიაშვილი) ორგანიზებით კიციხის ადმინისტრაციულ ერთეულში უფასო სამედიცინო აქცია მოეწყო.

ბია, ასეთი აქციები მომავალშიც აუცილებლად გაიმართება.

„მაქსიმალურად ვცდილობთ, დავეხმაროთ მოსახლეობას. დღევანდელი დღეც სწორედ ამის დასტურია. ადგილობრივებმა სოფლიდან გაუსვლელად პროფესიონალი ექიმებისგან მიიღეს კონსულტაცია. მადლობა სამედიცინო პერსონალს და ყველა იმ ადამიანს, რომლებიც გვერდში დაგვიდგნენ და არ დაზოგეს საკუთარი შესაძლებლობები ამ უნაგარო საქმის გასაკეთებლად. განსაკუთრებული მადლობა ხარაგაულის საზოგადოებრივი ჯანდაცვის ცენტრის დირექტორს, შმაგი ხიჯაკაძეს, რომლისგანაც უდიდესი მხარდაჭერა გვქონდა. ვფიქრობ, ღონისძიება საკმაოდ პროდუქტიული და სასარგებლო გამოვიდა.“ - დასძინა შალვა ბიჭიაშვილმა.

ადგილობრივებს სამედიცინო მომსახურების მიღება მთელი დღის განმავლობაში შეეძლოთ. აქციის მიმდინარეობის პროცესს მაჟორიტარი დეპუტატი აკაკი ლურსმანაშვილი და საკრებულოს იურიდიული, სამანდატო, საპროცედურო საკითხთა და ეთიკის კომისიის თავმჯდომარე ოთარ ლურსმანაშვილი დაესწრნენ.

კიციხის მაჟორიტარმა დეპუტატმა აკაკი ლურსმანაშვილმა მადლობა გადაუხადა აქციის ორგანიზატორებს და იმედი გამოთქვა, რომ კლინიკის მენეჯერი შალვა ბიჭიაშვილი აუცილებლად გააგრძელებს მსგავს ღონისძიებებს და არაერთ მოქალაქეს დაეხმარება ჯანმრთელობის შენარჩუნებაში.

უფასო კონსულტაციები და კვლევები ხარაგაულის კლი-

ქირა- მონი- ფონა- რეაბილიტაციის მუშაობა

საქართველოს გარემოს დაცვისა და საავტომობილო გზების დეპარტამენტის წარმომადგენლები ხარაგაულის მუნიციპალიტეტის მერის პირველ მოადგილეს, არჩილ მადრაძეს, შეხვედრენ.

კონსულტანტის, ლუიზა ბუბაშვილის, ინფორმაციით, მეორე ლოტის მშენებლობისათვის მიმდინარეობს სატენდერო პაკეტის შემოწმება და დოკუმენტაცია გაგზავნილია ლევან სამხარაულის სახელობის ექს-



შეხვედრაზე მოლითი-ფონაჩუმათელეთის 26 კმ-იანი (მეორე ლოტი) მონაკვეთის სარეაბილიტაციო სამუშაოების გეგმა განიხილეს.

პერტიზის ბიუროში. „შემაფერხებელი გარემოება გახლდათ ის, რომ აზიის განვითარების ბანკმა მერიის მოთხოვნის საფუძველზე დაგვავალა, ვიბრაციასთან

საავტომობილო გზების დეპარტამენტის გარემოს დაცვის

ქორალა-ოჩითი-ჟონა-ჩაბათაითი
ზის ჯონა-ჟონა-აბათაითი
რაბიტი-აბათაითი
საბათაითი
ოჩითი-ჟონა-აბათაითი

დასაწყისი 1 ბმ.

დაკავშირებით წინასწარ ჩავ-ვეტარებინა კვლევა. დაახლო-ებით ერთ თვეში დაიდება შე-დეგი, რა გავლენას მოახდენს გზის მშენებლობა საცხოვრე-ბელ სახლებზე. თუკი რომელიმე მოექცევა მძაფრი ზემოქმედ-ების ქვეშ, ქონება გამოსყიდუ-ლი იქნება და დაზარალებული არავინ დარჩება. - განმარტა ქალბატონმა ლეიზამ.

მისივე ინფორმაციით, პრობლემურია ასევე ნარჩენ-ების მართვის საკითხიც და აღ-ნიშნულთან დაკავშირებით მიმ-დინარეობს გარკვეული ღონის-ძიებების გატარება. როგორც ლეიზა ბუბაშვილი აცხადებს, რკინიგზის მშენებლობის დროს ნარმოშვა ხელოვნური ნაგავ-საყრდენები და მსგავსი აღარ განმეორდება, რადგან საავტო-მობილო დეპარტამენტი გეგ-მავს, ნარჩენების განსათავ-სებლად კერძო საკუთრებაში არსებული ტერიტორიები მო-იძიოს.

აქვე აღინიშნა, რომ პროექ-ტის ზედამხედველად უცხოური კომპანია შეირჩევა, რომელიც გააკონტროლებს გზაზე შესრუ-ლებული სამუშაოების ხარისხს და ასევე გარემოზე ზემოქმედ-ების შედეგსაც.

შეხვედრაზე ასევე საუბა-რი იყო ძირულ-ხარაგაული-ჩუმათელეთის გზის პირველი მონაკვეთის რეაბილიტაციაზე. როგორც ცნობილია, ტენდერ-ში გამარჯვებული კომპანია გამოვლენილია და პირველი ლოტის მშენებლობა (25კმ) მარტიდან დაიწყება. პროექტის ხანგრძლივობა ჩვიდმეტი თვეა და სამუშაოებზე ადგილობრი-ვების დასაქმება იგეგმება.

მერის პირველი მოადგილის, არჩილ მაღრაძის, განმარტებით, აუცილებელია, სამუშაოების დაწყების შესახებ მუნიციპალი-ტეტს პქონდეს ინფორმაცია, რათა ცენტრალურ გზასთან მდებარე სოფლებში (საუბარია მუნიციპალური გზების მშენ-ებლობაზე) ინფრასტრუქტურ-ული პროექტების განხორცი-ელებას ხელი არ შეეშალოს და ტენდერში გამარჯვებულ კომ-პანიასთან კოორდინირებულად იმოქმედონ. ამ მიზნით მერის პირველი მოადგილე სამუშაო-ების გეგმა-გრაფიკს აუცილებ-ლად გამოითხოვს საგზაო დე-პარტამენტიდან.

აღსანიშნავია, რომ რეგი-ონის სოციალ-ეკონომიკური განვითარებისთვის უდიდესი მნიშვნელობა აქვს ძირულ-ჩუ-მათელეთის გზის რეაბილიტა-ციას. ის გამოაცხადებს ხა-რაგაულის მუნიციპალიტეტის სოფლებს და გაუმჯობესდება სავაჭრო და ტურისტულ ობიექ-ტებთან კავშირი.

შეგახსენებთ, რომ რეაბი-ლიტაცია განხორციელდება არ-სებული გზის ფარგლებში და 50 კმ-იანი მონაკვეთი ორზოლიანი იქნება. თითო ზოლის სიგანეა -3მ, ხოლო სავალი ნაწილი-6მ. შეგახსენებთ, რომ სამშენებლო სამუშაოებს აზიის განვითარე-ბის ბანკი აფინანსებს.

ექა შავიძე

ახაღვარდელი ფორუმის პირველი სესიონი სარაგაულის მუნიციპალიტეტის საკრებულოს წევრები დაესწრნენ

თბილისის საკრებულოში სპორ-ტისა და ახალგაზრდულ საქმეთა კომისიის ინიციატივით, „ადგი-ლობრივი თვითმმართველობების პირველი ახალგაზრდული ფორუ-მი“ გაიხსნა, რომელსაც დელეგა-ტის სტატუსით საქართველოს 64 მუნიციპალიტეტის საკრებულოს ახალგაზრდა წევრები, საქართვე-ლოს პრემიერ-მინისტრი, გიორგი კვიციანიანი, მთავრობის წევრები და დედაქალაქის მერი კახი კალაძე დაესწრნენ. ღონისძიებაზე ხარა-გაულიდან საკრებულოს თავმ-ჯდომარე მანანა ბარბაქაძე და ახალგაზრდა დეპუტატები: ოთარ

ლურსმანაშვილი და ვარლამ ჭიკაშ-ვილი იმყოფებოდნენ. როგორც შეხვედრაზე აღინიშ-ნა, ფორუმის მიზანია საქართვე-ლოში ახალგაზრდობის პოლიტი-კის განსაზღვრა, ჯანსაღი ცხოვ-რების წესის დამკვიდრება და მომავალი თაობის წარმოჩენა. მონაწილეებს სიტყვით მი-მართა საქართველოს პრემიერ - მინისტრმა გიორგი კვიციანი-ვილმა და თბილისის მერმა კახი კალაძემ. ხელისუფლების წარმო-მადგენლებმა ახალგაზრდული ფორუმის მონაწილეებს წარმა-ტებები უსურვეს და ღონისძიების



მნიშვნელობაზე ისაუბრეს. დასასრულს, საკრებულოს ახალგაზრდა წევრები შეთანხმდ-ნენ, რომ ფორუმი ორ წელიწადში ერთხელ გაიმართოს.

ექა შავიძე

ხიდარში დანებითი განათლების ახალი სკოლა აშენდება

ხარაგაულის მუნიციპალიტე-ტის სოფელ ხიდარში დანებითი საჯარო სკოლის კორპუსის მშენებლობა იწყება. სარეაბი-ლიტაციო სამუშაოებისათვის განათლებისა და მეცნიერების სამინისტრომ ტენდერში გამარჯ-ვებული კომპანია უკვე გამოავლი-ნა. საუკუნოვანი სკოლის ამორ-ტიზებული შენობის დემონტაჟის პროცესს განათლებისა და მეც-ნიერების მინისტრის მოადგილე, თემურაზ მურღულია, ხარაგა-ულის მერის პირველი მოადგილე, არჩილ მაღრაძე, საგანმანათლებ-



ლო რესურსცენტრის უფროსის მოვალეობის შემსრულებელი, თი-ნათინ ბოჭორიშვილი და საკრებუ-ლოს განათლებისა და კულტურის კომისიის თავმჯდომარე, დავით კიკნაძე, ადგილზე გაეცნენ.

მინისტრის მოადგილის ინ-ფორმაციით, ხიდარის დანებითი განათლების ოპტიმიზირებული სკოლის ახალი კორპუსი თანა-მედროვე სტანდარტებს მისადაგე-ბული იქნება, სადაც განთავსდება საკონფერენციო დარბაზი და მოეწყობა ყველა საჭირო სივრცე, რაც მოსწავლეებისთვის იქნება სავალდებულო.

აღსანიშნავია, რომ ძველი შე-ნობის დემონტაჟი თითქმის დას-რულებულია და ხიდარში ახალი სკოლის მშენებლობა უახლოეს დღეებში დაიწყება.

ხარაგაულის სამედიცინო დაწესებულებაში ოტო-რინო-ლარინგოლოგიური ოპერაციები ჩატარდება



ერთ თვეზე მეტია, რაც ხარაგაულის სა-მედიცინო დაწესებულებას ახალი მენეჯერი ჰყავს. შალვა ბიჭიაშვილი მუნიციპალიტეტ-ში საინტერესო და ფრიად საჭირო იდეებით დატვირთული ჩამოვიდა. იგი მოსახლეობას მრავალი სიახლის განხორციელებასა და სა-ავადმყოფოს სრული დატვირთვით ამუშავენას დაჰპირდა. სწორედ მისი აქტიური მუშაობით და რეგიონული ჯანდაცვის ცენტრის (დი-რექტორი ნუგზარ ბოლქვაძე) მხარდაჭერით კლინიკის შევსება სხვადასხვა პროფილის მაღალკვალიფიციური სპეციალისტებით ეტა-

პობრივად მიმდინარეობს. აღსანიშნავია, რომ პაციენტებს ყელ-ყურ-ცხვირის ექიმი ვახტანგ მატარაძე გაუნწევს მომსახურებას. იგეგმება ამ მიმართულებით ოპერაციების გაკეთებაც. ბატონ ვახტანგს აღნიშნულ სფეროში მუშა-ობის 37-წლიანი გამოცდილება აქვს. მან წარ-მატებით დაამთავრა თბილისის სახელმწიფო სამედიცინო ინსტიტუტი, რის შემდეგაც გა-დამზადების კურსები გაიარა რამდენიმე ნამ-ყვან კლინიკასა და ექიმთა დახელოვნების ინსტიტუტში, ასევე ბელორუსიაში, ქ. მინსკში. დღეისათვის ვახტანგ მატარაძე სხვადასხვა სამედიცინო დაწესებულებაში ატარებს ოტო-რინო-ლარინგოლოგიური ოპერაციებს და ძალ-ზე სასიხარულოა, რომ ხარაგაულის მოსახ-ლეობას შესაძლებლობა ექნება, აღნიშნული სერვისით ადგილზე ისარგებლოს.

გარდა ამისა, როგორც ჩვენთან საუბარში შალვა ბიჭიაშვილი აანონსებს, მარტის თვიდან საავადმყოფოში რეანიმაციული განყოფილე-ბა დაიწყებს ფუნქციონირებას. მისივე ინფორ-მაციით, ამ ეტაპზე აღნიშნულთან დაკავშირე-ბით მოლაპარაკებები მიმდინარეობს რეანიმა-ტოლოგებთან.

აღსანიშნავია ის ფაქტიც, რომ გეგმიური ოპერაციების დაფინანსების პრინციპი შეიცვა-ლა და მოსახლეობისთვის უფრო ხელმისაწვ-დომი და მარტივი გახდა. „საყოველთაო ჯანდაცვის პროგრამით მო-სარგებლებს გეგმიური ოპერაციის დაფინანსე-ბისათვის სერვისცენტრში უხდებოდათ მისვლა და საგარანტიო წერილისათვის რიგში დგომა. აქედან გამომდინარე, ჯანდაცვის სამინისტრომ მიიღო გადაწყვეტილება, ფორმა N 100 და წი-ნასწარი კალკულაციის ატვირთვა საყოველ-თაო ჯანდაცვის პორტალზე თავად კლინიკამ უზრუნველყოს. ამის შემდეგ თუ კონკრეტული პერიოდის განმავლობაში მოხდება ოპერაცი-ების დაფინანსება. ვფიქრობ, ყველა საჭირო დოკუმენტაციის ადგილზე შედგენა მოქალაქე-ებისათვის დიდი შედეგია“- განმარტავს ხარა-გაულის სამედიცინო დაწესებულების მენეჯერი შალვა ბიჭიაშვილი.

ლელა გუგულაშვილი

რა სიახლებს გეპირდება მიმდინარე წელს სოფლის მეურნეობის სამსახური

სოფლის მეურნეობის განვითარება ქვეყნის ერთ-ერთი მთავარი პრიორიტეტი და ამ მიმარ-თულებით ბოლო წლებში არაერთი მნიშვნელოვანი პროექტი განხორციელდა. აღსანიშნავია, რომ ეს პროექტები მუდმივად იხვეწება, ფართოდება და ახალი მიმართულებები ემატება. ყოველივე ეს კი სოფლად სამუშაო ადგილების შექმნის მყარი გარანტიაა. რა სიახლები იგეგმება მიმდინარე წელს ამ კუთხით სოფლის მეურნეობის სამინის-ტროს ხარაგაულის მუნიციპალიტეტის საინფორ-მაციო - საკონსულტაციო სამსახურის უფროსი, ბონდო კიკნაველიძე გვესაუბრება.

-გასული წელი საკმაოდ წარმატებული და ნაყოფიერი გახლდათ. განვახორციელეთ არაერთი პროგრამა და ვატარებდით ადგილობ-რივებთან შეხვედრებს, ვეხმარებოდით ფერ-მერებს ამა თუ იმ პროგრამაში ჩართვასა და განხორციელებაში. 2018 წელს უფრო მეტი აქ-ტიურობითა და შემაჯობებით ვინყებთ. სოფლის მეურნეობის სამინისტრო და საქართველოს მთავრობა მნიშვნელოვან პროგრამას „დანერ-გე მომავალი“ ახორციელებს. ამ მხრივ დაინტე-რესება მუნიციპალიტეტში დიდია, თუმცა სხვა-დასხვა კრიტერიუმის დაქვემდებარება საჭი-რო. პირი უნდა ფლობდეს ერთ ან მეტ ჰექტარ სამეურნეო მიწის ნაკვეთს, რომელსაც უკეთდებ-ნა ნიადაგის ანალიზი. ვატარებთ მონიტორინგს და ადგილზე ვეცნობით მიწის მდგომარეობას. ერთ-ერთმა გამოთქვა სურვილი ამერიკული



ჯიშის ჩანდლერის კაკალი გააშენოს. ასევე მალე დაიწყება ეკონომიკისა და მდგრადი გან-ვითარების სამინისტროს პროექტი მცირე მე-წარმეთა ხელშეწყობისათვის. გრანტი გაიცემა პროექტის წარმოდგენისა და მისი მონონების შემთხვევაში, ერთ პიროვნებაზე 5000 ლარის ოდენობით. პროგრამაში ჩართვის შემთხვევაში ფერმერს ამონებებს დამფინანსებელი, თუ რო-გორ გამოიყენებს ეს თანხა. აღსანიშნავია, რომ მოქმედებს აგროდაზღვევის პროგრამა, რომე-ლიც მწარმეს სტიქიისაგან მიყენებულ ზარალს უნაზღაურებს. სამწუხაროდ, ხარაგაულში დაზ-ღვეული არავის არ აქვს მინის ნაკვეთი.

-ბოლო წლების განმავლობაში ხარაგაულის მუნიციპალიტეტში სოფლის მეურნეობის სამი-ნისტროს მხარდაჭერით არაერთი კოოპერატივი შეიქმნა. ამ ეტაპზე ფუნქციონირებს თუ არა რო-მელიმე?

- ამჟამად გვაქვს 4 მოქმედი კოოპერატივი: „მელვინეობა კიციბი“, „იმერეთის ნატურალური პროდუქტები“, „თაფლი მარგებელი“ და „სარგო“. სასიაოვნოა, რომ დღითიდღე იზრდება მათი პროდუქცია. მოგეხსენებათ, რომ შეხვედრებს ვატარებთ ადგილობრივებთან და ვაცნობთ სოფ-ლის-მეურნეობის დარგში არსებულ სიახლებს. ვფიქრობ, თუ ასე გავაგრძელებთ მუშაობას კო-ოპერატივების შექმნით შესაძლოა, უფრო მეტი დანტიკურსდეს.

- გასულ წელს ხარაგაულში მსხვილფეხა - რქოსან პირუტყვთა ხელოვნური განაყოფიერე-ბის პროგრამა ამოქმედდა. როგორ ვამართლა პროექტმა და გავრძელდება თუ არა მიმდინარე წელსაც?

- გასულ წელს ადგილობრივმა თვითმმარ-თველობამ ამ პროექტისათვის 5000 ლარი გამოყო. ფურთა ხელოვნურ განაყოფიერებას ექიმ-ვეტერინარი ლევან დეკანოსიძე ახდენდა, რომელმაც გადაამზადებდა თბილისში „კავკასის გენეტიკის ცენტრში“ გაიარა. მოხდა 23 ფურის განაყოფიერება. პროგრამა მიმდინარე წელს კვლავ გრძელდება. აღსანიშნავია, რომ ფერმერი მსხვილფეხა-რქოსანი პირუტყვის განაყოფიერე-ბაში წელსაც მხოლოდ 50%-ს გადაიხდის, ყოვე-ლივე ეს კი მუნიციპალიტეტის ხელმძღვანელი პირების დამსახურებაა, რისთვისაც დიდ მად-ლობას ვუხდით მათ.

თამარ მაღრაძე

„შაბაშ სიცივა, შაბაშ კაცი, შაბაშ საქმე, მისგან ქმნილი!“

გვიქვამდები, რა სათაური მიმეცა საგაზეთო წერილისათვის, რომელსაც შევბედავდი „ჭიდაობის მოცარტს“, „ბეჭდაუდებელ ფალავანს“, ქართული სპორტის ლეგენდას, ბატონ რომან რურუას...

იმ დღეს უბედნიერესი იყო ყველა ის მაყურებელი, რომელიც ხარბიკულის სამუსიკო სკოლის დარბაზში იხმენდა რეზო თაბუკაშვილის სახელობის ხარბიკულის სახალხო ლიტერატურული თეატრის ხელმძღვანელის, ქალბატონ იზა ვეფხვაძის, საავტორო სპექტაკლს „ბეჭდაუდებელი ფალავანის ჭიდილი დროსთან“.

სპექტაკლს მუნიციპალიტეტის მერ ნიკოლოზ თოფურიძესა და ხარბიკულის ინტელექტუალურ საზოგადოებასთან ერთად ესწრებოდა საგანგებოდ მოწვეული სპექტაკლის გმირი, ბატონი რომან რურუა...

დარბაზს სცენიდან ბრილიანტებად ეფიქვებოდა სიტყვა ქართული, მსახიობის ოსტატობით ცოცხლდებოდა ლეგენდარული სპორტსმენის ამაღლებული ცხოვრების ეპიზოდები და გვექმნებოდა შთაბეჭდილება, რომ ოთხგზის მსოფლიო და ორგზის ოლიმპიურ ჩემპიონ ბატონ რომან რურუასთან ერთად ვიყავით კანადამიც, იაპონიამიც, არგენტინამიც, მექსიკამიც, რუმინეთიც, ამერიკის შეერთებულ შტატებშიც და სადა აღარ... თითქოს მოწმენი ვებდებოდით დიდ სპორტულ დარბაზებში მაყურებელთა ოვაციის ფონზე როგორ მიიწვედა მაღლა-მაღლა ქართული დროშა, ჟღერდა საქართველოს ჰიმნი, როგორც ღვთიური საგალობელი, ჭეშმარიტი რაინდი რომან რურუა კი იდგა საჭიდაო ხალიჩაზე... არა, საჭიდაო ხალიჩაზე კი არა - ოლიმპოს მთაზე, როგორც შუბლდაღაფული ოლიმპიელი და მართლაც ოლიმპიური სიმშვიდით ხვდებოდა მორიგ გამარჯვებას, მისკენ მიმართულ მაყურებელთა ზღვა ემოციას...



წინააღმდეგობისა შეესაბამებოდა, რომ კიდევ ერთხელ ასახელოს თავისი საფიციარო საქართველო, დაიცვას ქართული სპორტის ღირსება, გულში კი უჩუმრად შემენედ უხმობს უფალს, ქართულ ჯვარანგელოზებს...

რამდენიმე მართლაც ჯადოსნური, სწორედ რურუასეული საქადაო ილეთი და მოწინააღმდეგის ბეჭები გაეკრა ხალიჩას...

„არის, ასრულდა ოცნება! არის, ასრულდა მიზანი!“ ქართველი ფალავანი მხიკოს ოლიმპიური თამაშების ოქროს მედლის მფლობელი გახდა...

როგორც წყალში დგას წნორის ძირები...“ თქვენი სტუმრობით გამოწვეული ყველა ხარბიკულეს მადლიერება დაიბნა ჩვენი საყვარელი თანამემამულის, პოეტ გურამ სახვაძის, თქვენდამი ექსპრომტად მოძღვნილმა სტრიქონებმა (გთავაზობთ შემოკლებით):

„ბატონო რომან, დილო ქართველო, დასაფიცარო მართლაც ვაჟკაცი, თქვენი სტუმრობით, ასე მგონია, დღეს ჩვენ გვერდშია მთელი სამყარო, ბედნიერ სახით შემოგცქერივართ, ყველა ჩვენგანში ხიბლია სრული, გულში გიხტებთ ეს დარბაზი და მთელი პატარა ხარბიკული!“...



ხარბიკულის მუნიციპალიტეტის მერმა ნიკოლოზ თოფურიძემ ჩვენთან საუბარში ხაზი გაუსვა რომან რურუას დიდ დამსახურებას ქართული სპორტის წინაშე, მის მოქალაქეობრივ მისიას და კიდევ ერთხელ აღნიშნა მადლიერებით ის დიდი საქმე, რომელსაც ესოდენი ენთუზიაზმით წარმართავს ხარბიკულის რეზო თაბუკაშვილის სახელობის სახალხო ლიტერატურული თეატრის ხელმძღვანელი იზა ვეფხვაძე, რომლის დღევანდელმა სპექტაკლმა ძალზე საინტერესოდ ასახა რომან რურუას სპორტული ცხოვრების დიდი სამყარო.

„არის, ასრულდა ოცნება!“

1968 წელი. მექსიკის დედაქალაქი მხიკო... ოლიმპიური თამაშების ბოლო დღე... თამაშდება ოლიმპიური თამაშების ბოლო, 172-ე ოქროს მედალი...

რომან რურუა ელოდება გამოძახებას, დარჩენილია 15 წუთი... კლასიკური ჭიდაობის რვა მსოფლიო ჩემპიონიდან შვიდმა დაამთავრა ასპარეზობა... არც ერთი ოქროს მედალი... ასეთი რამ ისტორიას არ ახსოვს. აშკარად ჩანდა განწყობა, საბჭოთა გუნდი დაეტოვებინათ ოქროს მედლის გარეშე. რომან რურუა შეჯიბრის განმავლობაში სამჯერ გაისინჯა დოპინგზე...

თითქოს საუკუნედ იქცა მოლოდინის თხუთმეტი წუთი... და გაიფანტა დაძახულობა, როცა დარბაზში გაისმა: რომან რურუა!

მორიგი შერკინებისათვის მოუხმეს ფალავანს საჭიდაო ხალიჩაზე... დინჯად მიემართება სპორტსმენი ძლიერ მო-

სპექტაკლით მონიჭებული სიამოვნება დაგვირგვინა ჩვენმა საპატიო სტუმარმა იმ ბუნებრივი კონტაქტით, რომელიც მაყურებელთან დაამყარა. მან საოცარი თავმდაბლობით უპასუხა მასპინძელთა ყველა შეკითხვას, თავმდაბლობას იმიტომ გავუსვი ხაზი, რომ მის პასუხებში სპორტული აღმასვლით გამოწვეული სიამაყე ან მედიდურობა ოდნავადაც არ შეინიშნებოდა... საუბრობდა ისე, თითქოს ეს წარმატებანი სხვისი წილხვედრი იყო და არა საკუთრივ მისი...

და მაინც იბადება უმთავრესი კითხვა: რა არის ამ, მართლაც, ზღაპრულ წარმატებათა საიდუმლო?

პასუხი: შრომა, თავდაუზოგავი შრომა, ქართული მინის მადლი და უფლის მფარველობა!

შრომმა? მინის მადლი? დიახ, მინის მადლი... ენვეთ მცხეთაში, კოსმონავტების ქუჩაზე, რომან რურუას ეზოკარს და დარწმუნდებით, მარტოოდენ სპორტში კი არა, რა შეუძლია შრომასთან, მინის მადლთან შეხიარებულ მშრომელ მარჯვენას...

წუმც მოჰკლებოდეს ეს მადლი და ძალა თქვენს შთამომავლობას უკუნიით უკუნისამდე, ბატონო რომან! სწორედ თქვენ გვეუთვნით, სათქვენოდ გაიმეორეთ პოეტის სიტყვები:

„მშობელ მინაში მიდგას ფესვები,

ბატონო რომან! ისე შემოგვევლოთ ყველა კეთილი ძალა, როგორც მე ამ წუთებში დიდი შოთა რუსთველი შემომეშველა, რომ თქვენს საკადრისად წერილის სათაურად მისი უკვდავი სიტყვები გამომეყენებინა:

„შაბაშ სიცივა, შაბაშ კაცი, შაბაშ საქმე, მისგან ქმნილი“ ჭეშმარიტად!

*ღრმა პატივისცემით,
მერი გომიზიძე
ხარბიკულის მესამე
საჯარო სკოლის პედაგოგი*

სიყვარული - მყარი ოჯახის უქმნის საფუძველი

ქორწინება ქრისტიანულ რელიგიამო ერთ-ერთი საიდუმლოებათაგანია, ოჯახური ცხოვრება კი- ქრისტიანული ღვანლის არაფერი ისე არ იცავს ქორწინებას, როგორც სიყვარული. ეს გრძნობა ყოველთვის იმარჯვებს, აქრობს ეჭვებს, ამარცხებს შიშს და გვიბიძგებს ყველაზე დიდი საქმეებისაკენ. როცა გესურს ვიყოთ ბედნიერები, აუცილებელია, ვიფიქროთ ოჯახის სიმტკიცეზე, რომელიც მოიხზრება, როგორც საყვარელი და საფუძველი საზოგადოებრივი და სახელმწიფოებრივი ცხოვრებისა. რა არის მთავარი სიყვარულის შენარჩუნებისა და ოჯახის სიმტკიცისათვის? ამ საკითხზე ჩვენი რუბრიკის სტუმარი, მესამე საჯარო სკოლის დანყოფილი კლასის წარმატებული პედაგოგი ნინო ბუაჩიძე გვესაუბრება.

ნინო და მისი მეუღლე ვინა ხარბიკე, ერთმანეთს სკოლის პერიოდიდან იცნობდნენ. სიყვარული კი ცოტა მოგვიანებით ენვეთ და დაქორწინება გადაწყვიტეს. სიყვარულით შექმნილმა ოჯახმა ბევრ განსაცდელს გაუძლო და დღეს ბედნიერად ცხოვრობენ. ჰყავთ სამი შვილი და სამი შვილიშვილი.

ნინო ბუაჩიძე: ფარცხნალში დავიბადე და გაიზარდე. დავამთავრე ხარბიკულის მესამე საჯარო სკოლა (ყოფილი რკინიგზის მეთაურ საშუალო), რის შემდეგაც სწავლა ქუთაისის აკაკი წერეთლის სახელობის პედაგოგიურ ინსტიტუტში გავაგრძელე. ოჯახი სიყვარულით შევქმენი. მე და ვიას ერთმანეთი ხუთი წელი გვიყვარდა. მომხიბლა მისმა საოცარმა თვისებამ- მუდამ მზად იყო, სასიამოვნო სიურპრიზებით გავეხარებინე. ჩემში დიდ ემოციას ინვევდა ისიც, რომ უყვარდა სიმღერა და ხშირად მიძღვნიდა. 33 წელია, ერთად ვართ, ერთმანეთს ყოველთვის გვერდით ვუდევთ და ასეა დღესაც. როცა საქართველოში მიმეწვი იყო, ყველას ვეჭივრდა. ამ წლებში ვინა რუსეთში წავიდა სამუშაოდ. რთული იყო განშორება, მაგრამ იმ სიყვარულით, რაც ერთმანეთთან გვაკავშირებდა, ყველა განსაცდელს გავუძელით. 55 წლის ვახვდი რამდენიმე დღის წინ და რომ გადავხედე განვლილ ცხოვრებას, ერთ რამეში დავინხმუნდი, ყველაზე მთავარი ბედნიერებისთვის არის სიყვარული, თუ გიყვარს ყველა დაბრკოლებას მარტივად გადა-



ლახავ. ურთიერთპატივისცემა აუცილებელია ოჯახურ ცხოვრებაში. გვყავს სამი შვილი: ია, ნატა და ბექა. უფროსმა გოგონამ ივანე ჯავახიშვილის სახელობის თბილისის სახელმწიფო უნივერსიტეტი დაამთავრა და სწავლა გერმანიაში განაგრძო. როცა საზღვარგარეთ წასვლის გადაწყვეტილება მიიღო, დამიმალა, იცოდა, წინააღმდეგი ვიქნებოდი, მაგრამ, მან თავისი მიზნის მისაღწევად ბევრი იშრომა და წინააღმდეგობა ვეღარ გავუწიე. წელს დაამთავრა მიუნხენის ლუდვიგ მაქსიმილიანის სახელობის უნივერსიტეტი. ჰყავს ერთი ვაჟი, გიორგი, რომელიც ჩვენთან იზრდება, ყოველ ზაფხულს დედას სტუმრობს გერმანიაში. მეორე გოგონაც დაოჯახებულია, ორი შვილის დედაა, ვაჟიც დღესდღეობით გერმანიაში თავის დასთანა და ისიც აპირებს სწავლის გაგრძელებას.

მე და ვიას დიდი მისია გვაკისრია - შვილიშვილს ვზრდით, ვმუშაობთ, ორივეს გვაქვს ჩვენი საყვარელი საქმე. ვინა სოფელ ფარცხნალში მერის წარმომადგენლის მოვალეობის შემსრულებელია, თითქმის 31 წელია, პედაგოგად ვმუშაობ. ძალიან მიყვარს ჩემი პროფესია. მართალია, რთული და შრომატევადია სკოლაში მუშაობა, მაგრამ არასოდეს მიფიქრია, დამეტოვებინა და ფინანსური მდგომარეობის გასაუმჯობესებლად სხვა სამსახურზე მეფიქრა.

გია ხარბიკე: დაქორწინებამდე კარგად მქონდა გაცნობიერებული ის დიდი პასუხისმგებლობა, რაც ოჯახის შექმნასთანა დაკავშირებული. მე და ჩემი მეუღლე თანასოფლელები ვართ, ერთმანეთს კარგად ვიცნობდით და დაქორწინების შემდეგ ხასიათთა შეწყობაში პრობლემა არ გვექონია. ოჯახში ქალისა და იმავდროულად დედის მოვალეობა დიდ შრომასა და ენერჯიას მოითხოვს. მუდამ ვცდილობდი, რომ ოჯახური ტვირთის სიმძიმე შემემაღლებინა ნინოსთვის. გვახსოვს, რა მძიმე იყო 90-იანი წლები. ვექვდით ეკონომიური მდგომარეობის გაუმჯობესების გზებს. ბოლოს ისევე მე „გვიმეტე ოჯახი და შვილები“. დროებით მომორებულს, გულწრფელად გეტყვით, ერთი დღეც არ მიცხოვრია ჩემი მეუღლისა და შვილების გარეშე. მარტო საკუთარ ოჯახზე ფიქრით არასდროს ვიფარგლები, ჩემი ენერჯია და გულის სითბო ყველას მინდა გავუწიო: მეგობარს, მეზობელს, ახლობელს...

ნათქვამი რომ არის „შვილმა გულში გაიარა, შვილიშვილმა - გულის გულში“ ზუსტად ასეა. ჩემი და ნინოს საზრუნავი ახლა შვილიშვილებია. გიორგი დედის სწავლის გამო, უშუალოდ ჩვენთან იზრდება. ვცდილობთ, არაფერი შეგვეშალოს, სითბო არ მოვაკლოთ და ღირსეულ ქართველად აღვზარდოთ.

მე ასე მწამს, როცა სიყვარულია ოჯახის შექმნის საფუძველი, ოჯახი მყარი და ბედნიერია.

ქალბატონო ნინო!

როგორც თქვენ და თქვენმა მეუღლემ ბრძანეთ, სიყვარული თქვენი ოჯახის ბედნიერების მასაზრდოებელი ძალაა. გილოცავთ საიუბილეო თარიღს- ახლახან შესრულებულ შინაარსიანი ცხოვრების 55 წელს, გისურვებთ სამომავლოდ კვლავ მშვიდსა და ბედნიერ ყოფას თქვენს საყვარელ ადამიანებთან და აღსაზრდელებთან ერთად. ყველა კეთილი ჩანაფიქრი ავასრულებინოთ უფლის მადლმა და სიყვარულის ყოვლისშემძლე ძალამ!

ლელა ბუბულაშვილი

თბილისის სახელმწიფო უნივერსიტეტის დაარსების 100 წლის იუბილეს ხარაგაულის ისტორიული მუზეუმში შეუერთდა

ხარაგაულის ისტორიულ მუზეუმში თბილისის სახელმწიფო უნივერსიტეტის დაარსების 100 წლის იუბილეს აღინიშნა. კავკასიაში პირველი ეროვნული უნივერსიტეტი ივანე ჯავახიშვილის თაოსნობით 1918 წლის 26 იანვარს (ახალი სტილით, 8 თებერვალს), დავით აღმაშენებლის ხსენების დღეს გაიხსნა და რექტორად პეტრე მელიქიშვილი აირჩა.



ისტორიულ მუზეუმში ხარაგაულელმა ახალგაზრდებმა ორიგინალურად და საინტერესოდ გააცოცხლეს უნივერსიტეტის დამფუძნებელთა პირველი კრება, რომელსაც ექვთიმე თაყაიშვილი უძღვებოდა. ასევე მოგვითხროს დავით აღმაშენებლის მეფობის მნიშვნელოვანი ფაქტების შესახებ.

ხარაგაულის ისტორიული მუზეუმის ფონდების მთავარმა მცველმა ქალბატონმა ეკა შველიძემ ვრცლად ისაუბრა იმ წვლილის შესახებ, რაც უნივერსიტეტის განვითარების საქმეში ხარაგაულელებმა

შეიტანეს და ხაზგასმით აღნიშნა, რომ უნივერსიტეტის ერთ-ერთი რექტორი, ჩვენი თანამემამულე, აკადემიკოსი ევგენი ხარაძე გახლდათ.

მრავალფეროვანი და საინტერესო ღონისძიებისათვის მუზეუმის თანამშ-

რომლებს მადლობა გადაუხადა მერიის კულტურის სამსახურის უფროსმა ირინე ჩხეიძემ, რომელიც ახალგაზრდებს დედაქალაქში ექსკურსიას დაჰპირდა თბილისის სახელმწიფო უნივერსიტეტის გასაცნობად და ეროვნულ მუზეუმში „მიქელანჯელოს

და სიქსტეს კაპელას“ გრაფიკული ნამუშევრების გამოფენის დასათვალისწინებლად.

„ეს იყო მართლაც საოცარი წარმოდგენა თავისი ვიზუალითა და შინაარსით, მადლობა ღონისძიების მონაწილეებს, რომლებმაც ასე დამაჯერებლად მოირგეს ჩვენი სახელოვანი წინაპრების როლი და დიდი სიამოვნება მოგვანიჭეს. მუზეუმში ხარაგაულის კულტურის სავიზიტო ბარათია და მიხარია, რომ მომეცა საშუალება, თქვენთან ერთად მეზემი უნივერსიტეტის დაარსების 100 წლის იუბილეს“-დასძინა ირინე ჩხეიძემ.

ღონისძიებას ხარაგაულის მუნიციპალიტეტის მერიისა და საკრებულოს წარმომადგენლები ესწრებოდნენ, რომლებმაც ღონისძიების ორგანიზატორებისა და მონაწილეების მიმართ სამადლობელი სიტყვები არ დაიშურეს.

ლელა გუგულაშვილი

ხარაგაულის მუნიციპალიტეტის მერია გზების მშენებლობის ხარისხს მკაცრად აკონტროლებს

ხარაგაულის მერიაში შექმნილმა ინსპექტირების კომისიამ, რომლის თავმჯდომარეც ხარაგაულის მერის პირველი მოადგილე არჩილ მალრაცია, კომისიის წევრებთან - თემური თაბუკაშვილთან და აფრასიონ ლურსმანაშვილთან ერთად, სოფელ ჩხერში გზაზე ბეტონის

საფარის უხარისხოდ დაგების ფაქტი აღმოფხვრა. თემური თაბუკაშვილის ინფორმაციით, ხელშეკრულების პირობებიდან გამომდინარე ბეტონის მასის დასხმამდე, გზა უნდა დაიგრუნტოს, მოენყოს შემასწორებელი ფენა ქვიშა-ხრემოვანი ნარევი, ზედაპირი გასწორდეს,

დაიტკეპნოს და ამის შემდეგ დაიწყოს ბეტონის საფარის დაგება. ინსპექტირების კომისიამ, ხელშეკრულების პირობების დარღვევის ფაქტის აღმოჩენის შემდეგ, ადგილზე მყოფ საქმის მწარმოებელს სამუშაოების შეჩერება მოსთხოვა, თუმცა კომპანიამ მითითება არ

გათვალისწინა და გზის მშენებლობა ხარვეზით(სველ და ატალახებულ გზაზე) განაგრძო. ზედამხედველობის ჯგუფის ერთობლივი გადაწყვეტილებით, ჩხერის გზის 20 მეტრიან მონაკვეთზე უხარისხოდ დაგებული ბეტონის საფარი აიყარა და სამუშაოები თავიდან განახლდა.

ხარაგაულის მერის პირველი მოადგილე არჩილ მალრაცია ხაზგასმით განმარტავს, რომ გზების მშენებლობის ხარისხი მკაცრად აკონტროლდება, რადგან სწორედ ხარისხიანად შესრულებული სამუშაოები გზის შენარჩუნების გრძელვადიანი გარანტი.

ხარაგაულის რამდენიმე სოფელში ბეტონის საფარი დაიგება

ხარაგაულის მუნიციპალიტეტის მერიამ რამდენიმე სოფელში, გზების რეაბილიტაციის მიზნით ტენდერი გამოაცხადა. კერძოდ, ამ ეტაპზე იგეგმება ნუნისის გზის რეაბილიტაცია (სავარაუდო ღირებულება 311 444 ლარი); თეთრანყაროსა და ახალსოფლის გზების რეაბილიტაცია(სავარაუდო ღირებულება 371 855 ლარი); ზედა ლაშისა და უჩამეთის გზების რეაბილიტაცია(სავარაუდო ღირებულება 440 709 ლარი); წყალაფორეთში, ბუდიანეთის უბნის, ლახუნდარაში ეკლესიის უბნისა და ხონის ცენტრალური გზების რეაბილიტაცია(სავარაუდო ღირებულება 531 169 ლარი); ვახანისა და სერ-

ბაისის გზების რეაბილიტაცია(სავარაუდო ღირებულება 331 087 ლარი); ხუნევში კალის უბნისა და გრივალათის გზების რეაბილიტაცია(სავარაუდო ღირებულება 460 063 ლარი); ნადაბურის გზის რეაბილიტაცია (სავარაუდო ღირებულება 727 502 ლარი); სოფელ დევისის სასოფლო გზის რეაბილიტაცია (სავარაუდო ღირებულება 536 937 ლარი); მარელისში კაპნარი -კელასოურის დამაკავშირებელი სასოფლო გზის რეაბილიტაცია (სავარაუდო ღირებულება 332 852 ლარი); ბორის სასოფლო გზის რეაბილიტაცია (სავარაუდო ღირებულება 421 975 ლარი); ბორითის ადმი-

ნისტრაციულ ერთეულში ვაშლევის (მე-2 უბანში), საქასრიისა (რკინის ხიდის უბანში) და უბისის (ძინძობურის უბანში) სასოფლო გზების რეაბილიტაცია(სავარაუდო ღირებულება 447 770 ლარი); ბაზალეთის ადმინისტრაციულ ერთეულში, ღარიხევისა(დეკანოსიძეების უბანი) და ქროლის გზების რეაბილიტაცია (სავარაუდო ღირებულება 378 099 ლარი); იგეგმება ასევე ხარაგაულის მუნიციპალიტეტის დაბის ქუჩებისა და ჩიხების რეაბილიტაცია (სავარაუდო ღირებულება 209 140 ლარი); აღსანიშნავია, რომ საგზაო ინფრასტრუქტურის გაუმჯობესება ხარაგაულის

მუნიციპალიტეტში ერთ-ერთი პრიორიტეტული მიმართულებაა. გასულ წელს, ამ კუთხით, დაახლოებით, 6 მილიონ - ნახევარი ლარი დაიხარჯა და საერთო ჯამში გზის კაპიტალური შეკეთება 26 სოფელში მოხდა. პირველ ეტაპზე პრიორიტეტი ისეთ სოფლებს მიენიჭა, სადაც კომპაქტური და სახლებებია.

აღსანიშნავია, რომ მიმდინარე წელს რეგიონული განვითარების ფონდიდან ხარაგაულის მუნიციპალიტეტს 5 500 602 ლარი გამოეყო და აღნიშნული თანხით 22 სოფლის გზის კაპიტალური შეკეთება იგეგმება.

ეკა შაპიძე

მოსწავლეობა ორიენტირებული ბაკაო მარაგის სკოლაში



ხარაგაულის მუნიციპალიტეტის მარაგის საჯარო სკოლაში მეტად მნიშვნელოვანი და საინტერესო ღონისძიებები ტარდება.

შიდა სასკოლო და გასვლითი აქტივობები პედაგოგთა ძალისხმევით ხორციელდება და იგი მოსწავლეთა შესაძლებლობასა და უნარებზეა გათვლილი.

მნიშვნელოვანია ეკოკლუბის საქმიანობა (პედაგოგები: სოფიო მესხი და ვერა ოდიკაძე), რომლის ფარგლებში ორჯერ გაინიშნა სკოლის მიმდებარე ტერიტორია და გაშენდა წინვოვან მცენარეთა ხეივანი. ასევე მოსწავლეებმა დაასუფთავეს მდინარე ჩხერის სანაპირო.

საინტერესო და მრავალფეროვანია სკოლის ბიბლიოთეკარის, ინგა ვუფხვაძის, მიერ განხორციელებული ღონისძიებები: „ბიბლიის კონკურსები“, „ნიგნის დღეები“, ისტორიული თარიღების აღნიშვნა და სხვა.

ეკა შაპიძე

პედაგოგების მიერ მალაღონე მომზადებული საგნობრივი კონკურსები, ინტელექტუალური თამაშები და სხვა მრავალი აქტივობა მრავალფეროვანს ხდის სასკოლო ცხოვრებას.

„მოსწავლეები არ უნდა შემოიფარგლონ მხოლოდ საგაკვეთილო პროცესებით და სასკოლო ცხოვრება უნდა იყოს აქტიური, მიზანმიმართული, მოსწავლეთა ცოდნის მიღებასა და უნარების განვითარებაზე ორიენტირებული. ჩვენი ვალია, აღსაზრდელს გამოვუშუქოთ დამოკიდებულებები საზოგადოებრივი ცხოვრების სწორი და ჯანსაღი მიმართულებების განსავითარებლად. ვფიქრობ, სასკოლო ცხოვრებას წარვმართავთ თანამედროვე სწავლების სტანდარტის შესაბამისად“-აცხადებს სკოლის დირექტორი ვერა ოდიკაძე.

ჯანდაცვის სფეროს ინიციატივით პიპოს მსოფლიო ღელსთან დაკავშირებით უფასო სკრინინგ პროგრამა განხორციელდა

ხარაგაულის საზოგადოებრივი ჯანმრთელობის დაცვის მუნიციპალური ცენტრის ორგანიზებით (დირექტორი შმაგი ხიჯაკაძე), კიბოს მსოფლიო ღელსთან დაკავშირებით, ხარაგაულის მოსახლეობისათვის სკრინინგის უფასო პროგრამა განხორციელდა. დაინტერესებულ პირებს გამოკვლევები ქ.ქუთაისში, კლინიკა „ჰერაში“, ჩაუტარდათ. აღსანიშნავია, რომ პროგრამა მომა-

ვალშიც გაგრძელდება. დაინტერესებულმა პირებმა მიმართეთ ხარაგაულის საზოგადოებრივი ჯანმრთელობის დაცვის ცენტრს. ტელ: 22 17 47; 577 14 05 33 ნანა ბერაძე.

საზოგადოებრივი ჯანდაცვის ცენტრი მადლიერებას გამოხატავს კლინიკა „ჰერას“ ხელმძღვანელის, მარიკა დავითიანი-ანის, მიმართ, ესოდენ კეთილ საქმეში მონაწილეობისა და თანადგომისათვის.

პაპილომა ვირუსის შესახებ ჯანდაცვის ცენტრმა სემინარი გამართა

ხარაგაულის საზოგადოებრივი ჯანმრთელობის დაცვის მუნიციპალურმა ცენტრმა (დირექტორი შმაგი ხიჯაკაძე) დაბის მესამე საჯარო სკოლაში საინფორმაციო-საგანმანათლებლო სემინარი გამართა თემაზე „პაპილომა ვირუსი(აპვ)“. პრევენტატორმა ნანა ბერაძემ დეტალურად ისაუბრა აღნიშნული დაავადების შესახებ. ყურადღება გამახვილდა ასევე გენიტალურ მეტეჭებზე.

ქალბატონ ნანას განმარტებით, იმუნიზაცია ყველაზე ეფექტური და უსაფრთხო გზაა ბავშვის სამიზნე დაავადებისაგან დასაცავად.

მისივე თქმით, მნიშვნელოვანია ნებისმიერი დაავადების დროული დიაგნოსტიკა და შემდგომ მისი სწორი მართვა.

შეხვედრაზე დამსწრე საზოგადოების მხრიდან დასმულ კითხვებს ამომწურავი პასუხები გაეცა.

პრევენტატორმა აქტიური თანამშრომლობისათვის მადლობა გადაუხადა მე-3 საჯარო სკოლის დირექტორს, მარინე ხვედელიძეს.

აღსანიშნავია, რომ ჯანდაცვის ცენტრი მსგავსი ტიპის ღონისძიებებს საჯარო სკოლებში პერმანენტულად ატარებს.